
Saksnr: 2020/304-17
Saksbehandlar Charlotte Espeland
Dato: 14.08.2020

Til: Hovudutval for kultur, idrett og integrering

Frå: Fylkesdirektør for kultur, idrett og inkludering

Fordeling av spelemidler til Den kulturelle skulesekken skuleåret 2020-2021

Bakgrunn

Den kulturelle skulesekken (DKS) skal sikre elevar i grunnskulen og vidaregåande skule møte med profesjonell kunst og kultur. Ordninga har vore del av regjeringa si kulturpolitiske satsing til born og unge sidan 2001, og i dag får alle elevar frå 1. klasse i grunnskolen til 3. trinn i vidaregåande skule oppleve kunst og kultur av høg kvalitet gjennom DKS.

Ordninga er finansiert med overskot av spelemidler frå Norsk Tipping og fylkeskommunale/kommunale driftsmidler. Kulturtanken - Den kulturelle skulesekken Norge har det nasjonale ansvaret for DKS, og fylkeskommunane og kommunane forvaltar ordninga regionalt og lokalt. Kulturtanken fordeler spelemidler til DKS til fylkeskommunane etter ein fordelingsnøkkel der variablane elevtal i grunnskule og vidaregåande skule, geografiske avstandar og infrastruktur inngår. Midlane skal dels nyttast på grunnskulen og dels på vidaregåande skule. Den delen som skal nyttast på grunnskulen er utgangspunkt for fordeling av midlar til kommunane. Bergen kommune er ein direktekommune, og har såleis sjølv ansvar for DKS til elevane i grunnskulen.

Hovudutval for kultur, idrett og integrering vedtok 4. juni prinsipp for fordelinga av spelemidler til Den kulturelle skulesekken for skuleåret 2020-2021 (*sak 2020/304-2 – Fordeling av spelemidler til Den kulturelle skulesekken (DKS) for skuleåret 2020-2021*). Fylkesdirektør for kultur, idrett og inkludering fekk fullmakt til å fordele spelemidler til kommunane i Vestland etter prinsippa i saka og tildelingsbrev frå Kulturtanken.

Tildelingsbrev frå Kulturtanken

Førebels tildelingsbrev frå Kulturtanken dagsett 21. november 2019 låg til grunn for sak om prinsipp for fordeling av spelemidler for skuleåret 2020-2021. Endeleg tildelingsbrev dagsett 25. mai 2020 samsvarar med førebels tildelingsbrev, med nokre tillegg og spesifiseringar.

Tildeling til Vestland fylkeskommune

Ved kongeleg resolusjon av 7. mai 2020 vart overskotet frå Norsk Tipping AS til kulturføremål fordelt. Av dette overskotet skal kr 285 000 000 gå til DKS i heile landet.

For skuleåret 2020-2021 er Vestland fylkeskommune tildelt kr 33 238 602 til DKS. Midlane skal dels nyttast til tiltak i grunnskulen og dels i vidaregåande skule med utgangspunkt i følgjande fordeling:

- Grunnskulen: 23,9 mill. Av dette er kr 6 683 508 øyremerkte Bergen kommune, jamfør tildelingsbrev frå Kulturtanken
- Vidaregåande skule: 9,3 mill.

Særskilde føresetnader og krav knytte til koronasituasjonen

Kulturdepartementet legg til grunn at fylkeskommunane og kommunane fortløpande etterkjem helsestyresmaktene sine pålegg og råd i samband med utbrotet av COVID-19.

Departementet opnar for at fylkeskommunane og kommunane nyttar DKS-midlane på alternative måtar for å sikre føremålet med DKS, dersom restriksjonar i samband med koronasituasjonen tilseier det. Det er også mogleg å overføre midlar til 2021, til eksempel dersom ein må avlyse eller utsette turnear. Alternativ bruk av midlane i 2020, eller overføring til 2021, må gjerast i samråd med Kulturtanken. Vestland fylkeskommune er ansvarleg for fordeling av spelemidlar til kommunane i fylket, og alternativ bruk av midlar i kommunane skal gjerast i samråd med fylkeskommunen. Dersom det viser seg at ein større del av tildelte midlar ikkje vert brukte i 2020, kan dette påverke seinare tilskotsutbetalingar.

Digital formidling

I samband med koronasituasjonen har Kulturtanken og fylkeskommunane jobba med digital formidling som alternativ til den fysiske formidlinga. Kulturtanken har på bakgrunn av dette peikt på behovet for ein nasjonal plattform for digital formidling i DKS, og vil jobbe vidare med dette i samråd med fylkeskommunane og Kulturdepartementet.

Fordeling av spelemidler til kommunane i Vestland skuleåret 2020-2021

Samla tildeling Vestland fylkeskommune.	kr 33 238 602
Del til vidaregåande skule:	kr 9 300 000
Del til grunnskule, inkl. Bergen:	kr 23 938 602
Øymerka Bergen kommune, grunnskule:	kr 6 683 508
Del til grunnskule når Bergen har fått sin del:	kr 17 255 094
1/3 av summen til grunnskulen til kommunane:	kr 5 751 698
Sum vidarefordelt til kommunar utanom Bergen:	kr 5 752 000

Kommune	Tildeling skuleåret 2020/2021
Alver kommune (Lindås, Meland og Radøy)	kr 494 000
Askvoll kommune	kr 62 000
Askøy kommune	kr 438 000
Aurland kommune	kr 30 000
Austevoll kommune	kr 84 000
Austrheim kommune	kr 43 000
Bergen kommune	kr 6 683 508
Bjørnafjorden kommune (Os og Fusa)	kr 413 000
Bremanger kommune	kr 84 000
Bømlo kommune	kr 204 000
Eidfjord kommune	kr 15 000
Etne kommune	kr 51 000
Fedje kommune	kr 14 000
Fitjar kommune	kr 57 000
Fjaler kommune	kr 71 000
Gloppen kommune	kr 95 000
Gulen kommune	kr 55 000
Hyllestad kommune	kr 17 000
Høyanger kommune	kr 76 000
Kinn kommune (Flora og Vågsøy)	kr 269 000
Kvam herad	kr 133 000
Kvinnherad kommune	kr 259 000
Luster kommune	kr 127 000

Lærdal kommune	kr 33 000
Masfjorden kommune	kr 43 000
Modalen kommune	kr 14 000
Osterøy kommune	kr 152 000
Samnanger kommune	kr 37 000
Sogndal kommune (Balestrand, Leikanger og Sogndal)	kr 172 000
Solund kommune	kr 15 000
Stad kommune (Selje og Eid)	kr 151 000
Stord kommune	kr 250 000
Stryn kommune	kr 134 000
Sunnfjord kommune (Gaular, Jølster, Førde og Naustdal)	kr 344 000
Sveio kommune	kr 100 000
Tysnes kommune	kr 48 000
Ullensvang kommune (Jondal, Odda og Ullensvang)	kr 174 000
Ulvik herad	kr 17 000
Vaksdal kommune	kr 78 000
Vik kommune	kr 68 000
Voss herad (Voss og Granvin)	kr 221 000
Øygarden kommune (Fjell, Sund og Øygarden)	kr 558 000
Årdal kommune	kr 52 000
Total tildeling kommunar inkl. Bergen	kr 12 435 508
Total tildeling kommunar utanom Bergen	kr 5 752 000

Vedlegg

- 1 Tildelingsbrev frå Kulturtanken
- 2 Vedlegg 1 til tildelingsbrev
- 3 Vedlegg 2 til tildelingsbrev